



安  
徽  
通  
志

ル 5  
1575  
14



1075  
5



重修安徽通志卷四十五

輿地志

古蹟二

徽州府

歙縣舊城今府治漢置縣隋大業中為邑人汪華所據始自休甯移郡治於此唐因為歙州治咸通六年即城之西北為隄以禦水光化中因隄增築為城名曰新城宋宣和中為睦寇方臘所陷事平築新城於溪北三里因民不便後還舊城即故址修築南畿志今新城故基盡為民居

北野廢城在歙縣北唐書地理志績溪本北野永徽五年析歙置後更名寰宇記在歙縣北三十五里唐永徽五年睦州績溪縣女子陳碩真作亂縣人蔣寶舉應之事平置縣於五合山上

以鎮之大歷五年廢入休甯縣按唐志在績溪而寔宇記在歙

縣蓋二縣境相接也按寔宇記廢北野縣在休甯原文無入休甯縣四字

毛甘故城在歙縣城內東南隅烏聊山三國吳志歙賊帥毛甘

萬戶屯烏聊山賀齊討平之元和郡縣志歙縣烏聊山在縣東

二百六步上有毛甘故城寔宇記在縣東五步三國吳時歙縣

已治此

休甯故城在縣東三十五里當水口之上相傳隋時縣嘗治此

五城在休甯縣南五城水上寔宇記五城水旁有五城村古之

大鎮有五城斜隅相對旁有大墳有人發之其墳上鐵厚二尺

鐵纜破雷雨晦冥人懼而止縣志元置五城務明初廢

婺源故城在婺源縣北二十五里清化鎮寔宇記縣本休甯西

南之迴玉鄉開元二十四年鄉人洪貞據此及平始置縣元和

郡縣志以婺水遶城三市故名縣志舊縣治清化鎮唐中和二

年楊行密將陶雅守歙暴橫縣人汪武據弦高鎮以拒之遂治

於弦高改舊縣為清化鎮元豐九域志婺源縣有清化鎮是也

梅銷城在祁門縣西十五里縣志項羽封吳芮將梅銷十萬戶

侯邑於此

黟縣故城在黟縣東漢書地理志黟成帝鴻嘉二年為廣德王

國隋書地理志新安郡黟平陳廢十一年復寔宇記隋廢為海

甯縣屬東陽郡舊城在縣東五里

越國公城在績溪縣登源唐初汪華起義時築此一名汪王城

歸德廢縣在歙縣西南唐書地理志休甯永泰元年盜方清陷

州州民拒賊保於山險二年賊平因析置歸德縣大歷四年省

寔宇記在歙縣西南五十里大歷五年廢按唐志在休甯而寔

重刊安徵通志卷四十五  
宇記在歙境相接也

休陽廢縣在休甯縣西元和郡縣志休甯縣本秦歙縣地後漢建安中賀齊討黝歙山賊分置休陽縣其後頻有改易隋開皇中改爲休甯甯宇記休陽廢縣在今休甯縣西二里楊村東三里靈烏山上吳避孫休之名改爲海陽縣移治於萬歲山上今城基尙存

海陽廢縣在休甯縣東十三里孫休改休陽爲海陽仍移治於萬歲山上新安志在縣東十里宏治府志上下兩村曰上舊市下舊市晉改海陽爲海甯隋改休甯並治此山唐天寶中徙縣治於西北七里

國朝改市爲墅知府陳玉題上舊墅曰海陽故址

黎陽廢縣在休甯縣東南宋書州郡志新安太守海甯令孫權

分置黎陽縣劉宋大明八年省併入海甯梁承聖中復置府志縣東南有黎陽鄉卽此

祁門故址在今祁門縣西元和郡縣志縣東至歙州一百七十九里本古昌門地漢黟縣之南境唐永泰元年賊方清於此僞置昌門縣刺史長孫全緒討平之因其舊城置縣以縣東北二里有祁山因改祁門大曆五年又移於東面臨大溪西枕小山梁安廢縣在今績溪縣北後岸村元和郡縣志梁大同元年置梁安縣唐武德中廢縣志大同元年置良安縣而宋元時皆有良安鄉蓋卽梁安之譌也

歙州舊治在今黟縣碧山下隋開皇初改新安郡爲歙州治黟大業初復爲郡徙治海陽

紫翠樓在府治內輿地紀勝宋宣和間建

羅穎樓在府西新安山水志樓跨黃羅天馬閒樓前小山外見黃羅如錐穎露秀刺天際天馬蜿蜒右翼髣髴百雉翠光冉冉撲樓中兩山如在几席閒也

御書樓在府槐塘宋丞相程元鳳建

秀景樓在府城西北隅新安文獻志在城西北隅宋直寶謨閣汪藻守歙時所作

梅花初月樓在歙縣石門關學士朱升建太祖御書梅花初月四字顏之

太白酒樓在歙縣太平橋相傳李太白訪許宣平於此因名溪山第一樓在婺源縣城內羣山環拱大溪下繞元馬肅建程文記今移建城北龍墩前

望烏樓在祁門縣二都唐郎中廖嵩自閩避亂來祁攜二烏卜

居至此烏樓不去遂家焉其裔孫德湊為建望烏樓

擁青樓在祁門縣治宋景定中建以杜甫高山擁翠句為名虛直樓在祁門縣桃峯下宋謝昇建其子璉講學其中種竹千竿故名

雲峯樓在績溪縣西石壁山上宋崔鷗建

景蘇樓在績溪縣署舊為秋風堂宋紹興開邑宰曹訓慕前令蘇轍之賢摹其遺像及所為詩鐫於石建樓貯之名曰景蘇

宸奎閣在府城紫陽書院內因宋理宗御書建

春草閣在府松山明汪道昆讀書處

藏書閣在婺源縣儒學後宋慶厯閒建朱子榜其閣曰藏書而未有以藏莆田林憲知縣事始出其所寶若干卷以填之又廣益市書凡千四百餘卷俾肄業者誦習

候賢亭在府問政山唐刺史于德晦為兄方外建

披雲亭在府南山唐宣歙副使魏宏簡建見柳子厚文集及文苑英華下有歙州司馬呂渭讀書堂址

浮邱亭在府治西北雉堞上有兩古木宋郡守洪适倚木建亭范成大有詩又浮邱園在浮邱山下古梅十里許唐宋閒有軒韓行宮羽人陸道明居此煉丹

風雩亭在歙縣東山麓宋紹熙閒教授舒潏建

歲寒亭在歙縣治舊名松風亭宋令王薦建方輿勝覽歙縣歲寒亭蘇轍有詩今刻石亭上府志元紫陽書院山長張炳購於趙評事家得其地以歸學明正統閒立亭

秋水亭在休甯縣治宋令葛勝仲濬深池築亭其中府志

國朝縣令廖騰燿重建加廣焉又縣治西有真意亭亦葛所建

還金亭在休甯縣霞阜河畔為商山吳清還金建有碑記

環綠亭在婺源縣儒學山右宋汪子英建元胡炳文記

時雨亭在婺源縣石龜潭上元達嚕噶齊納懷禱雨輒應因建此亭自為記

流芳亭在婺源縣西二十里宋江大正建張棡記

翠眉亭在績溪縣門外新安志元豐中蘇轍為縣令嘗遊岡上雙嶺對峙嫵然如眉作亭對之名曰翠眉以志故鄉峨眉之思轍去邑人即亭為祠韓无咎作記

豁然亭在績溪縣西隴上宋汪琛建蘇轍常與琛登亭賦詩

世德亭在績溪縣南邑人為明尚書胡松建

孝感亭在績溪縣治北明縣令高梁為孝子許欽建

鼓吹臺在府篁墩湖側程篁墩記云忠壯公靈洗習戰時所築

數傳後風雨之夕猶聞鼓吹聲

百花臺在府西三里宋司農汪叔詹築

富登釣臺在府治富登渡一石出江上勢欲飛入江中元鄭玉

嘗釣於此平章余闕篆書鄭公釣臺四字於石玉自為記

李白釣臺在黟縣南十六里西連墨嶺一名潯陽臺相傳李白

嘗釣於此

古雲臺在績溪縣南七里明汪尙珍雲臺觀記宋建尋徙於縣

西翠眉亭左元季兵燬復創於秀野嘉靖閒再徙於阜城門外

寶蓋山

黃山堂在府治後唐大中初建舊曰黃山樓北望天都蓮花諸

峯森秀天表唐刺史于德晦通判伍喬皆有詩宋宣和後移建

於治西雉堞上號黃山堂明宣德閒重建尋圯

舍蓋堂在府治後宋洪适建以延四方往來之士范成大為之  
記

相儒堂在府城南門內古郡學大成殿東宋丞相程元鳳讀書

處寶祐中州守趙汝嶧建堂祀之又一在黟縣石鼓寺為宋江

萬里讀書處

風月堂在府治宋紹興閒監郡章浩建洪适記范成大有詩

勤有堂在休甯縣陳村元定宇先生陳櫟建朱升有記

中山書堂在祁門縣南元汪克寬與弟時中肄業之所

程忠壯宅在府西三十里仁愛鄉宅有大樹號千年木其下篁

墩湖濱礫石宛然洪濤不漂砂石不漲為一方勝蹟

黃孝子宅在府西九里黃屯園唐孝子黃芮故居貞元中詔旌

其門今稱孝仁里

環佩重來軒在府之槐里宋丞相程元鳳有琴曰環佩亡去已久其六世孫文貫復購得之為軒以藏焉

風泉雲壑軒在府南門紫陽書院宋郡守韓補建元方回記

凌唐住宅在休甯縣救甯門南凌家巷

其學齋在休甯縣東山元儒趙沆講學所

尊德性齋在婺源縣環溪宋程洵建初名道問學朱子易之復

為銘

問政山房在歙縣東五里方輿勝覽唐有于方外者棄妻學道

其從弟德晦刺歙州為築室於此號問政山房絕壁有宋黃臺

題詩云千尋練帶新安水萬仞花屏問政山

江東道院在府治南門宋建諸儒講學歲集於此

新安道院在休甯縣治東宋令祝禹圭建朱文公記今為真武

堂附朱子記

休甯大夫信安祝侯汝玉以書來曰休甯之為邑雖有難治之名而吾之為之已再歲矣始也不能不以人言為慮中乃意其不然而乃遂有以信其果不然也蓋其封域實障山之左麓而浙江出焉山峭厲而水清激故稟其氣食其土以有生者其性情習尚不能不過剛而喜鬪然而君子則務以其剛為高行奇節而尤以不義為羞故其俗難以力服而易以理勝苟吾之所為者出於公論之所是則雖或撓於其私而卒不敢以為非也吾嘗困於事之始至蓋不能不說者而今則驩然無與為異吾嘗困於事之始至蓋不能不說者無事之可為也吾將更葺廳事之東參賓佐屬詠之什而榜之以新安道院予能為我記之則後之君子益知所以治而無吾始者之慮矣予惟汝玉之為此則可以見其政之成民之服而謂也夫以汝玉之始至於堂皇之上則其簿書右法律日出入乎胥陋之中而不得休其或少暇則又免衝寒風冒烈日出利而除其害者非有今日之無事而反病前日之勤事為非道耶抑嘗計之天下之事雖有動靜勞逸之殊而所為道者則無彼此精麤之別汝玉之學固非以知此矣彼猶欲從容於此以深無事而不避異學之淫名豈非朝夕之閒猶欲從容於此以深思前日之已行而益求其所未至卒以究夫無彼此精麤之別者而大發於功名事業之閒乎未卒以究夫無彼此精麤之別意為書本末以示來者使於此邦之俗賢宰之志尚有考云其

皇朝通志卷四十五 興地志 古蹟 七 徽州府



屏山書屋在婺源縣翠屏山朱子歸省祖墓時所建十世孫穩復結屋讀書於此

初山精舍在歙縣石耳山元曹涇講學於此

東山精舍在休甯縣龍源東山元趙沔讀書處虞集有記

許仙宮在歙縣城南二里寰宇記即許宣平得道之所李白尋之不遇今山上遺蹟猶存

越國公府在休甯縣萬安山舊稱汪王故宮隋末汪華起義時所居宋為廣惠王廟今為古城寺

貢院在府城西府志云宋乾道四年於大成殿東因餘地而益拓之設貢院選士明年登第十人內有禮部第一廷試第三者

吳山里在婺源縣西七十五里寰宇記昔吳為越所滅句踐流夫差二子其長子鴻處此死因葬焉遂名吳山里又名婺女里

今譌為湖山

朱文公闕里在婺源縣南朱子先世故居元時知州于文傳建

朱子家廟中有韋齋井相傳文公生時井中紫氣現亦曰虹井

明宣德中建亭其上附明汪敬虹井亭記虹井亭者記闕里虹

邑而有虹則自朱晦菴父子始自井有虹而婺之文開闢豈惟  
漢為昭者誰之功與語有之天降時雨山川出雲夫雨也而雲  
先則文明也而虹兆理又奚疑哉考之古尼父制孝經既成而  
告備於北斗有赤虹自天而下化為黃玉尼父拜而受之夫孝  
經何與於北斗而天之降精若是其與春秋之筆獨胡氏以河  
應乃或謂麟出為非時故仲尼春秋因之以作又謂尼父以  
為吾道不行之兆因而絕二百四十二年之筆獨胡氏以河  
圖洛出書及簫韶作而鳳皇儀當之謂其先後天弗違其說始  
章明而有據正大而非誇彼欲逃之乎微應之說者蓋皆求其  
故而不祥母或乎集大成者先聖一賢其生乎地其立言也  
乎龍井相通可乎氣盈結如雲其深不可測此則垂綆不踰二  
龍往來井井其坎常盈自虹出而泉日減蓋精騰於天而氣絕  
於地理無足怪然人不敢以為舊為泥棄之必曰此瑞井也宣

德九年錢塘陳侯以太學高等選為婺源縣令晉謁闕里拜瞻  
遺像以為仲尼之後一人因以其學為政成而百廢具舉修  
學宮葺書閣文公之祠因以次及圯者修之敬者措之朽者新  
之徘徊於虹井之上懼其久而汚也為亭以覆護以登垣平以  
文石垣為四戶限其流之旁入者俾汚潔屏而寒泉注顏其楣  
曰虹井亭人之過而瞻者於以知晦翁之上應天精下稟地靈  
而侯且命敬曰子盍為記之使後人葺俾勿壞敬因復曰唯渙  
之水錯繡若麗壺頭之泉淑蘭成氣漱英噴華呈祥表異聖道  
汪洋如水行地前有河洛後有洙泗淵淵虹泉同源共濟我  
侯濬之澤存萬世侯曰其然庶無棄敝乃礎貞石而刻之

僕城里在黟縣西十八里林歷山下漢末陳僕祖山等屯此故  
名僕山每於社日遣人掠酒肉村民苦之以社之明日為社至  
宋時猶然

朱塘在婺源縣東朱子還婺源與門人滕璘遊見其山水幽靜  
俱如疇昔夢中所見問其地對曰朱緋塘璘世業也朱子曰故  
與子有神交者在因命作亭為書草堂二字貽之  
柳塘在休甯縣西門內柳塘坊宋儒汪莘故居

譙貴谷在黟縣輿地紀勝云在縣南方輿勝覽謂在縣北寔字  
記昔土人入山行七日至一穴豁然周三十里中有十餘家云  
是秦時避亂入此又按縣圖有潛村至今數十家同為一村或  
謂之小桃源唐李白詩黟縣小桃源煙霞百里閒地多靈草木  
人尚古衣冠是也方輿勝覽譙通作樵

新城園唐咸通六年於歙州城西北為隄以禦水光化中增築  
為新城其後隄漸圯每為溪水泛溢因棄為桑野名曰新城園  
朱家巷在府西南篁墩宋朱子先世所居縣志朱家巷在富籬  
山朱文公先世故居也其自序茶院譜云先世居歙之篁墩作  
世譜後敘云淳熙中展連同墓有方夫人十五公馮夫人之墓  
皆已失之明萬曆閒訪得其三祖墓知縣劉伸重為封識附朱  
子婺源縣茶院朱氏世譜序熹聞之先君子太史吏部府君曰  
吾家先世居歙州歙縣之篁墩相

傳望出吳郡秋祭率用魚鼈唐天祐中陶雅為歙州刺史初克  
 婺源乃命吾祖領兵三千戍之是為制置茶院府君卒葬連同  
 子孫因家焉生三子事南唐補常侍丞其後亦有散居他郡者  
 熹按今連同別有朱氏舊不通譜近年乃有自言為茶院昆弟  
 之後者猶有南唐譜牒亦當時鎮戍將校也蓋其是非不可考  
 矣先吏部於茶院為八世孫宣和中始官建之政和而葬承事  
 府君於其邑遂為建人於今六十年而熹抱孫焉則居閩四世  
 矣洎熙丙申熹還故里將展連同之墓則與方夫人十五公馮  
 夫人之墓皆已失之因亟詢訪得連同兆域所在乃率族人言  
 於有司而後得之其文據藏於家副在族弟然而三墓者則遂  
 不可復見矣癸卯五月辛卯因閱舊譜感世次之易遠骨肉之  
 易疏而墳墓之不易保也乃更為序次定為婺源茶院朱氏世  
 譜而並書其後如此仍錄一通以示族人十一世以下來者未  
 艾徽建二族自今每歲當以新收名數更相告語而附益之庶  
 千里之外兩書如一傳之永遠有以不忘宗族之誼至於蘆村  
 府君其墓益遠居故里者尤當以時相率展省更力求訪三墓  
 所在而表識之以塞子孫之責而熹之曾大父王橋府君無他  
 子其墓在故里者恃有薄田於其下得以奉守不廢當質諸有  
 司以為祭田使後之子孫雖貧無得鬻云按府志所  
 失三墓後裔孫照訪獲非明萬歷間所訪之三祖墓也

貴溪務在祁門縣南七十里又柏溪務在縣北皆宋置元廢  
 竹洲在休甯縣商山藍水旁宋吳文肅公傲奉祠終養築室娛

親處

萬貫洲在婺源縣鵲溪宋岳飛征楊么屯兵於此

石羊阡在休甯縣東數十步相傳吳楊行密疑冢刺史陶雅所  
 作南畿志世傳吳太子葬東山今不知所在惟兩石羊夾道有  
 翁仲石趺存

浣紗埠在府龍井山北相傳李白訪許宣平至埠上一翁對曰  
 門前一竿竹便是許翁家白悵望翁已失所在蓋翁即宣平也  
 孔靈村在府南三十里寔宇記在縣南二十五里晉書孔愉字  
 敬康會稽人以討華軼功封餘不亭侯永嘉之亂避地新安山  
 中以稼穡讀書為業信於鄉里後忽逸去人以為神為之立廟  
 方輿勝覽孔靈山有孔愉讀書故址

任公村在府北四十里寔宇記梁太守任昉行春至富資溪上

樂之徘徊累日百姓因名其溪曰昉溪傍村曰昉村唐大中十年刺史盧潘易曰任公村

舒村在府西四十里中谷鄉村旁有讀書墩南唐進士舒雅所居府志云隔溪山石望之峨然若纓其冠者曰幞頭石

朱村在歙縣灑溪北灑溪紀聞文公在村中注四子書卒業嘗與友人書云注成勿先令二州見之蓋指羅鄂州舒州也

斷石村在休甯縣西南三里懸崖絕壁巨石墜下如臺狀宋治平中知縣事呂大防書斷石二字於上今稱落星臺祥符經云昔有兩舟泊岩下一祭一否石隕不祭者舟其墜處今為石室

張村在祁門縣西十里唐左金吾大將軍金華張志和隱此自號煙波釣徒因名

大徽村在績溪縣改州為徽取此

黃山仙蹟在歙縣西北世傳黃帝嘗與容成子浮邱公合丹於此其後又有仙人曹阮棲之明統志今山有浮邱容成諸峯水有曹阮諸溪名本此

五畚驛在休甯縣南二十五里又縣南二十九里有黃華驛原名憩賢驛俱元置明初廢

魚亭驛在黟縣東三十五里宋置呂本中詩云竹密如雲不見天好山無數簇溪田只因黟縣溪山勝盡在魚亭驛舍前

階阮在府東百二十里相傳吳孫權死孫峻奪其太子和璽綬徙新都遣使者賜死即其地也方輿志自階村入二十里即吳廢太子和所居階迹猶存

蝦蟆阮在府鎮安門外俗譌為麻阮

西阮寨在績溪縣東六十里元置鎮守軍營於此明初改置巡

檢戍守正統初廢

放生池在府城西宋紹興十三年詔天下郡各爲池於聖誕日放生於是鑿城西墻地以應詔後郡守童僅增廣之作恩波堂及好生魚樂之亭乾道八年郡守趙師夔建堂於右百步臨溪放生卽魚梁壩也

管界寨在府西北八十里又深渡寨在府東南四十五里俱宋置明初嘗置巡檢

程灃寨在休甯縣南東密嶺唐乾符五年黃巢寇郡郡人程灃率義兵立寨於此以拒之今塹壘猶在土人樵牧猶有獲鏃戟者相傳上有元帥府基下有落箭邱皆以灃得名

舉嶺寨在休甯縣東北十五里天寶巖又縣東南方山有白際嶺寨縣西婺源界有塔嶺寨又縣西吳田嶺上有馬金寨縣西

南溪口有松陽寨皆宋置元廢

胡僕射營在祁門縣義城都福州及歸仁都等處皆唐末胡瞳屯軍之所

衝山營在婺源縣治西北五代時吳將劉津所置今有壁壘餘阬

中平寨在婺源縣東七十五里宋置明初廢今爲往來孔道

蛟潭卽篁墩湖寔字記在歙縣西南四十五里爲梁末程靈洗助湖中蜃射呂湖蜃處

讀書墩在歙縣西四十里迴環如列屏爲南唐舒雅讀書處

倒馬墩在休甯縣五城紫竹嶺唐都將吳九郎戰賊於此有吳公祠兵毀重建

聰靈洞在婺源縣西南四十五里福山明湛若水嘗講學於此

仙巖在婺源縣璧月門外相傳宋時有人挂竹連環於杖頭至巖倏不見始悟竹環為呂字且其貌與洞賓類遂塑像建觀祀之

澤穴在績溪縣東南十里唐金山為唐汪華祖居

漢洞在府仁愛鄉外狹中寬有爨臼遺蹟相傳漢末郡人避兵於此宋太守劉炳有漢洞銘

羅公泉在績溪縣南二十五里續文獻通考羅公泉大澗不竭灌田百餘頃

少保井在府城內唐少保薛稷所作明統志一名九井

殷公井在歙縣南羅城內井底有斜穴一通縣北銅井潭一通縣南斧井潭每潭有遺物多於此井得之初為殷氏鑿故名

聖泉在休甯縣蓀田葉巖下相傳明高帝訪汪巽元馬蹏所觸

遂成泉

龍泉井在休甯縣隱充外隴其泉冬溫夏涼大旱不竭

唐均勝井在黟縣東二十五里天井山麓歲旱禱雨若遇井泉原涸俄而滿井霖雨隨注

兌卦碑在休甯縣東七里萬安山宋縣令鄒補之隸書兌卦作磨崖碑於此

魚飛石在祁門縣北百二十里赤嶺方輿勝覽嶺下有溪昔有漁人為梁取魚魚夜飛越嶺而去復張網嶺上魚飛不過者化為石遇雨則赤故名

產龍石在黟縣東山石燕洞之下其石劃然兩開各有首尾鱗爪相傳龍孕石中石破而龍出也

臨溪石在績溪縣北三里寧宇記石臨溪岸方圓二丈其平如

砥數里內婦女悉於此浣紗方輿紀要縣北三里有浣紗溪  
涯有浣紗石一名臨溪石

獨母柴在黟縣南十五里俗傳昔有寡婦死無以葬行人覆之  
以薪至今人經其處皆以一枝草投之

靈香草寰宇記靈山在歙縣西北二十里靈村生靈香草其山  
有靈壇凡所祈請不焚香自然芬馥

慈孝松在府龍山元至元丙子鮑宗巖遇盜縛大松樹下其子  
壽孫願身代不聽倏烈風震變盜恐軼去得免明永樂中旌其

村為慈孝里松曰慈孝松

柑樹在休甯縣西白嶽山大數十圍諸石如伏犀馴象山志云  
江左柑木惟此一株今枯雕為神像

慈泉

重修安徽通志卷四十六

輿地志

古蹟三

甯國府

逡迥故城在府東北六十里本漢縣屬九江郡其地在今廬州

府界晉末僑立於蕪湖縣界屬淮南郡宋齊以後因之隋初併

入宣城縣按左傳公會於橐臬杜注在淮南逡迥縣顧野王

輿地志宛陵縣界亦有逡迥縣攷吳會橐臬宜在江

北今廬州府舒城縣乃其地其宛陵

之逡迥縣當即隋初所併入者也  
溫城在府東二十里唐刺史溫璋築唐書溫璋傳大中戊寅璋

被命討康全泰之亂意其始至營此而後入郡城也

宛陵故城即今宣城縣治漢書王子侯表元朔元年封江都易

王子敢為丹陽侯元封二年置丹陽郡治晉改為宣城郡治其

城晉咸和中內史桓彝所築今府治東北有鐵牛門即彝所築子城故址也隋始改曰宣城

楚王城輿地紀勝云在宣城縣東北百里兵興嘗扼隘於此洪武宣城志云周迴四里高二丈五尺城之東北即古驛路也斥堠存焉地接當塗溧水舊經云昔吳楚相距創此或云晉司馬休之嘗於此築壘或云伍子胥鞭平王尸處昔秦敏學嘗著文以辨其非以左傳楚伐吳至衡山為證衡山在今廣德距此相近謂楚王為熊審是也一統志在旌德縣北一百里又有故楚城在南湖北岸

烏石城在甯國縣南九十里盤山北今城基並廟址猶存相傳南唐時置以備吳越甯川志烏石舊縣城在縣南九十里懷遠鄉十二都地名烏石

懷安故城在甯國縣東南一百里寰宇記漢末分宛陵置屬丹陽郡吳景帝時屬故鄣郡晉屬宣城郡梁屬丹陽郡至陳廢入宣城縣今為甯國界偽漢劉聰封晉愍帝為懷安侯即此

甯國故城在甯國縣南十三里三國吳置隋省唐復置元和郡縣志宣州甯國縣西北至州一百十里

安吳故城在涇縣西南五十里落星潭東宋書州郡志三國吳置水經注晉太康元年分宛陵置按吳志永安四年載安吳民陳焦又陳曾復討宣城涇安吳陵陽春穀諸賊時正在策渡江之後是安吳之立已久非太康間始立也隋時縣廢唐武德三年復置屬猷州八年復廢舊志在縣西南藍山南今有安吳市安吳渡又旌德縣北三十里五里有古城俗呼沙城即安吳故城或謂唐時所改置也

猷州故城在涇縣西漢置縣於此後漢建安三年孫策攻劉繇平定宣城以東繇將太史慈因自蕪湖進駐涇縣立屯府晉咸和中蘇峻之亂內史桓彝退屯涇縣隋大業末邑人左難當據



縣唐武德三年以涇縣置南徐州尋更名猷州八年州廢仍屬  
宣州縣志猷州城在縣西三十里大甯山前州廢後移治賞溪  
之西有城周一百二十八步宋崇甯間賞溪東徙城為所圯嘉  
定三年移於溪東去舊治二里地名畱村元至元十三年又徙  
於舊治東門敬天坊即為今治按周一百二十八步無此  
小城疑百為里字之訛

走馬城在涇縣東四十里晉桓彝將俞縱屯兵處又有蘭石在  
縣東七十里下臨藤溪桓彝使俞縱守蘭石即此

桓公城在涇縣東四十里烏溪嶺晉咸和中桓彝所築輿地紀  
勝在縣東三十五里以晉桓彝得名南畿志在桓公嶺下晉桓

彝討蘇峻築此旌德縣志在縣北五十里地名蘭石按桓公城  
在涇縣東三四十里閒地名烏溪桓彝墓在焉至蘭石在涇縣  
東七十里地名窄溪與旌德接界俞縱墓在焉緣蘭石亦係桓  
彝所築而使俞縱守之故旌德志亦謂之桓公  
城其實桓公城與蘭石相去有三十餘里也

白龜城在涇縣東北三十里柏山下隋末左難當欲築城拒輔  
公祐會溥暑大雪有白龜印雪周行隨跡築城故名又幕山軍

壘在縣東北三里亦難當拒公祐所築按涇縣志柏山前臨大  
壘高二三十丈上皆窳窳中一巨石約二三丈昂起如龜頭足畢  
具今山下故城遺址猶存其下潭名白龜潭其山經白龜嶺而  
來當時依山設險或以此命名如  
舊志溥暑大雪等說未足為據

太平故城在太平縣北元和郡縣志太平縣東北至宣州二百  
八十里天寶四載太守李和上奏割涇縣西南十四鄉置縣志  
宋時有城周一里二百十步久圯

當塗廢縣一統志在南陵縣北漢縣也晉成帝時以流民僑置  
屬淮南郡宋齊以後因之隋平陳移治姑孰而廢故縣入宣城

通典南陵縣有當塗縣故城在東南按續漢書郡國志當塗屬  
九江郡知漢以前當塗皆  
在江北元和郡縣志晉成帝時以江北之當塗縣流入過江在  
于湖者僑立為當塗縣後屬宣州則此實晉之僑縣非漢縣也

言漢縣者本漢之縣名也

南陽廢縣在旌德縣西北梁置屬宣城郡

旌德舊縣即今旌德縣治元和郡縣志宣州旌德縣至州二百三十里本太平之地以縣界闊遠永泰初土賊王方據險作叛詔討平之奏分太平縣置寔字記永泰中割太平九鄉置縣冀其邑人從此被化故以旌德為名縣舊無城元至正末紅巾賊犯縣治焚燬殆盡明嘉靖三十四年倭奴直入縣治嗣後始議創築

宣城故城在南陵縣東四十里青弋江上漢置後漢省建安三年孫策平定宣城以東二十年孫權使蔣欽屯宣城即故城也晉太康二年於宛陵縣置宣城郡復置宣城縣屬焉隋初改宛陵縣為宣城而故城遂廢

甘公城在南陵縣北七里或曰吳將甘甯嘗屯於此或曰晉內

史甘卓築又譌為甘羅城按此城得名舊說不一謂甘甯者固

甘甯傳拜西陵太守領陽新下雒二縣後從攻皖為開城督跡其所歷未必有屯宣城事惟晉書甘卓傳云丹陽人授歷陽內史拜豫章太守所居皆近宣州雖無為宣州內史事或曾在此築城差為近是耳

南陵故城在南陵縣西北梁置南陵縣在今繁昌縣界唐初移

今治舊唐書地理志宣州南陵舊治赭圻城長安四年移理青

陽城按青陽城即今南陵縣治

丹陽郡舊治在今郡城陽德門外

彭澤聚漢書地理志在宛陵縣西南縣志今名彭澤街在大東

門外

石錄場寔字記南陵縣復於仁義鄉析置法門石錄一作兩場

以別徵攝自後法門屬義安縣又廢義安入銅官治為銅官場

今銅官為銅陵縣石錄為繁昌縣皆其邑地也府志唐廢繁昌縣為石錄場

三皇世陵陽國在涇縣境論語摘輔象伏羲六佐陽侯主江湖路史國名紀陽侯伏羲臣漢許慎云陵陽侯國也國近江今宣之涇縣有陵陽山

漢楚王湯沐邑在涇縣境後漢書永平十三年徙楚王丹陽涇縣賜湯沐邑五百戶

北樓在府治北又名高齋又名謝公樓又名疊嶂樓又名北望樓南齊宣城守謝朓建唐李白詩誰念北樓上臨風懷謝公韋蘇州詩高齋憶謝公鄭薰詩高齋今北望池上猶春酌自注高齋今北望以齋易樓唐人實為之明郡守方逢時記云自唐獨孤霖改建疊嶂樓而北樓之名廢矣附宋田錫疊嶂樓賦宛陵之邱

元暉舊遊城連延兮百雉世縣歷兮千秋流水白雲慨依然而在覽遺風往事信赫若兮長留余以丹陛策名皇華奉使適蒞於此乘春以至驛梅江柳動遊宦之芳懷風觀露臺起高明之逸意疊嶂居先登之悅焉憑落絮之危檻向飛花之晚天復嶺連岡峙昭亭兮作鎮平蕪遠樹引句水兮為川因而覽古興懷臨高凝睇自春秋戰國之後至吳魏鼎分之際干戈偕王乘輿擬帝斯為形勝之地恃以控臨之勢襟帶三江咽喉五湖歸句踐兮稱越隸夫差兮曰吳比奔碁之靡定惟霸略兮能圖方今禹迹重新堯封復古街王命於北關詠皇風於南浦升高而賦憐宋玉之才多覽景自怡非仲宣之思苦江渺渺兮涵春草萋萋兮感人指吳越之遠道介池歛兮為鄰兩漿何歸引迴眸於天際微雲似畫帶斜陽於水濱既而閱謝守之詩蒼苔滿石覽獨孤之文芳塵在壁杏花含露念昔我之來時鞠蕊迎霜乃今余之暇日歲云豐稔民之悅逸思命儔兮嘯侶聊登樓兮自適

忠勤樓在府南門宕吳氏村口宋景定閒吳淵置樓於丞相第中御書忠勤樓三字額賜之今祀吳柔勝吳淵吳潛三公於其上府志云明萬曆初改建

萬家樓在涇縣桃花潭側相傳唐李白慕萬家酒樓來此村人汪倫嘗醞美酒待之又潭上有疊玉墩相對為彩虹岡唐李白

與萬巨汪倫游詠處汪倫故宅亦在桃花潭上

祭公樓在涇縣水西寺竹坡詩話杜牧嘗為宣武城幕遊涇溪

水溪寺畱二小詩其一云李白題詩水西寺古木回岳樓閣風

此詩今載集中其一云含情碧溪水重上祭公樓此詩今榜壁

閒而集中不載乃知前人好句零落多矣按牧嘗入淮南節度使幕宣武城字未詳

盤所樓在太平縣治完進士杜國賢建丞相伯賢躍鯉帖木兒

領兵過此假宿於樓大書盤所樓三字並詩贈之

雲齊閣在府敬亭山翠雲菴前取謝元暉詩合沓與雲齊為名

識松閣在府城東舊府學中初相地者云百年後松梢過閣當

有魁天下者至嘉定閒吳潛果大魁因以名閣

露香閣在府治下臨東池葉清臣孫錫皆有詩舊名凌虛紹興

中郡守朱翌易今名

雙溪閣在府治後取宛句二水為名方輿勝覽宋治平二年邑

令刁約建先世有北望條風清暑諸樓閣後惟存觀風迎春二

樓於東偏即條風舊址也至是併拓其地建閣取宛句二水名

之熙甯初余良肱有雙溪夜讌詩紀之元豐末蘇轍赴宰績溪

畱詩云仰攀疊嶂高俯閣雙溪美淳熙九年陳騭於閣之南隅

闢二齋曰懷農思政按仰攀二句為梅堯臣次韻侯宣城疊嶂樓雙溪閣詩此以為蘇文定公詩不知何

據

風光閣在涇縣西賞溪上舊有亭宋紹興中縣令魏杞改建閣

取風光水西之句名之後為水齧移縣治左

踏歌岸閣在涇縣桃花潭上即汪倫送李白處

監書閣一名山光書樓在旌德村宋汪文諒建以貯所賜書

高爽榭在南陵縣治內登之可望四面山

敬亭在府北十里敬亭山麓今廢石坊尚存唐避諱改名昭亭

郭祥正詩云我適遊昭亭林中騎白鹿是也

擁翠亭在府城北敬亭山即李白獨坐題詩處遺碣尚存與今

之雲齊閣額珠樓相去里許總一山也

西候亭府志云未詳何地南畿志謂在府西郭五里宣城事函

云唐天寶十四載宣州刺史趙悅建以舍使客附唐李白西候

亭序惟十有四載皇帝以歲之驕陽秋五不稔乃慎擇明牧恤

陵祇明命也惟公代秉天憲作程南臺洪柯大本聿生懿碩宜

乎哉橫風霜之秀氣鬱王霸之奇略初以鐵冠白筆佐我燕京

威雄振肅敵不敢視而後鳴琴二邦天下取則起草三省朝端

有聲天子識面宰衡動聽殷南山之雷剖赤縣之劇強項不屈

三州所居大化咸列碑頌至於千里無秀言退以訓俗宣風以布

隱以此郡東塹巨海西襟長江咽三吳扼五嶺輪軒錯出無旬

破山狂飈震壑炎日鏖野然古道寬列樹行無清陰至有疾雷

山隅亭候靡設逢迎關如自唐有天下作牧百數因循離觀罔

恢永圖及公來思大革前弊實相此土陟降觀之壯其迴岡龍

盤脊嶺波起聲勢交至可以作方農之隙廓如是營遂鐘崖

埋卑驅石翦棘削汚壤階高隅以門以墉乃棟乃宇儉則不陋

麗而不奢森沈開闕燥溼有庇若鼇之涌如鵬斯鶩榮流鏡轉

涵映池底納遠海之餘清瀉蓮峯之積翠信一方雄勝之交五

馬駒蹶之地也長史齊公光又人倫之師表司馬武功幼成衣

冠之髦彥錄事參軍吳鎮宣城令崔欽令德之後良材開生縱

風教之樂地出人倫之高格卓絕映古清明在躬僉謀儻功不

日而就然我役也伊二公之力歟過客沈吟以稱歎邦人聚舞

以相賀僉曰我趙公之亭也羣寮獻議請因謠頌以名之則必

與謝公北亭同不朽矣白以爲謝公德不及後世亭不雷要衝

無勿拜之言鮮登高之賦方之今日我則過矣敢詢耆老而作

頌曰耽耽高亭趙公所營如鼇背突兀於太清如鵬翼開張而

欲行趙公來翔有禮有章煌煌鏘鏘如文翁之堂清風洋洋永

世不忘

響山亭在府城東南二里唐刺史路應跨潭爲梁建兩亭於東

西崖李白詩築土接響山俯臨宛水湄權德輿爲記鐫崖石附

權德輿記元和二年冬十月宣城長帥中執法襄陽郡王路公

磽礪山木不翦樵門不閉公因暇日觀視原野直南一里所

響山焉兩岸聳峙蒼翠對起其南得響潭焉清泚可鑒滌洞澄

重修安微通志卷四十六輿地志古蹟甯國府

澹又其南則博敞平夷澶漫透池從古之隙地是邦之休利目  
與心會聞然自得述以條陳實蒙報可乃量日力計徒庸闕於  
弁中成是夷道揭東西兩亭於雙峯之上相距百步華軒峻宇  
皆據勝勢廣廈疏寮可棲灑氣碧山互目清流在下跨以虹梁  
抵茲近郊因其爽塏乃列營署度野以步度堂以筵上棟下宇  
各有區處規地之廣袤分左右營部焉設門新軍而下左至八  
右至七既而左軍實可以容宴豆師與宴材則不費因悅使則不  
勞異之申命師之畜眾楚莊之飽居衛文之楚邱得其時制而  
不煩也官業盡在於是爰初師所處在郡之北偏地沔墊下水  
泉沮如積弊不遷介大病焉至是則修武備長於斯與寢得安  
其室處坐起以觀其習變而公又饗則士氣全於斯與寢得安  
泰然則不出楹階豆之閒而威儀交修上下洽洽在利澤也  
夫公之粹淑均天資吏師昔嘗四部符一司武皆有此物也  
於州壤及是則貴為元侯疏以智推心術而行之乎哉前賢  
城而流於支郡程功底績觀發知智亭與營之制宜乎哉前賢  
之塗出者東南抵於歛西南抵於涇肩摩擊而裕斯人也凡由  
此塗出者東南抵於歛西南抵於涇肩摩擊而裕斯人也凡由  
之徒也繪而傳西亭得蓮池觸類滋長皆為絕境公以鄙夫春秋  
焉使實錄於石

沃洲亭在府城東十里會勝寺側宋時建取唐李白五松何清

幽勝景美沃洲之句

景梅亭在府城南宋梅堯臣祠墓之左府志云知府范吉建

謝公亭在府北郭外即謝朓送范雲之零陵處亭之西昔人卜

築其中扁曰企賢兵火後廢唐李白謝公亭詩謝公離別處風

景每生愁即指此也

環波亭在府城北濠上宋郡守邵飭命名梅聖俞有詩云今吾

太守樂副此邦人望

巢林亭在府治宋施元長父煥隱居石子礪有巢林亭梅堯臣

數為賦詩

曲肱亭在宣城縣西二十五里桃花源宋張貴植亭讀書處輿

地紀勝有黃魯直題宛陵張待舉曲肱亭詩

澄江亭在宣城縣北三里宋紹興中太守秦梓取謝朓句而名

開禧初郡守陳藻更修改名練江

齊雲亭在甯國縣東南山門宋梅堯臣與宣城簿張獻民刻詩

其上名人題詠頗富

化洽亭在甯國縣東南唐乾甯中令范傳真建沈顏有詩

三友亭在涇縣治西宋翰林左泰成建嘗與邑中七賢遊憩紹定間重修有記

蒸霞亭在涇縣舊治北宋魏杞建亭旁植桃取唐韓愈種桃處惟開花川原遠近蒸紅霞之句而名

煙雨亭在涇縣西寶勝寺前枕山面溪煙雨如畫亭為明初建東峯亭在涇縣西劉遺民釣臺之側唐永泰中李廣琛討洞寇方清宴客於亭上適告捷御史中丞袁修賦詩刻石紀其事後裴丹於荆棘中得斷碑有袁修二字因名其石為袁石又洪武

宣城志云王白雲寺舊傳淳于棼送客之所唐永泰元年二月

江西御中

吳琛嘗至涇水於舊陘創亭明年秋中丞袁

修招討江淮軍屯涇賓僚宴亭上賦詩紀事今石刻存焉後人更名李公亭

眾樂亭在太平縣東南宋嘉祐間邑令孫覺建

芙蓉亭在太平縣黃山芙蓉峯下汪澤民有記

六勸亭在太平縣東南五里松岳寺宋治平初邑令周景賢建  
近醫藥  
作文勸民其條有六曰行孝悌務農桑向儒學興廉遜崇信行

嚴公臺在宣城縣西南四里相傳嚴子陵嘗釣於此下臨響潭

淵深數十丈梅聖俞詩云上過桓彝宅下經嚴子臺臺西舊有

覽翠亭宋天聖中建梅聖俞命名勒記於石

望霞臺在甯國縣西五里唐貞觀初建

劉遺民釣臺在涇縣西三里今白雲寺前水澗有釣磯存焉洪

武宣城志云在賞溪西岸白雲潭之上遺民蓋隱君子即與陶

淵明慧遠宗雷陸修靜輩十八人廬山結白蓮社者嘗為柴桑

令後棄官釣魚於此按碧湖雜記劉遺民名程之字仲思遺民號也常為柴桑令故陶集中有和酬劉柴

桑

放歌臺在涇縣西五十里藍山為李白放歌處臺石方竦俯臨

絕澗瀑布飛流水經注安吳縣南落星山有懸水五十餘丈即

此下曰活潑灘灘石嵌空有井井深廣如甕曰煉丹井臺左有

刻石惟天寶十五載三月李白偕汪倫寺僧數字可辨

歃血臺在旌德縣石柱山梁時程靈洗起兵討侯景築壇誓師

於其上

海樞堂在府治唐時建許渾有陪崔尚書宴海樞堂詩

坐嘯堂輿地紀勝在府治疊嶂樓南隅舊曰虛明觀唐刺史鄭

薰獨孤霖刻石存焉縣志坐嘯堂舊名清涼

宛陵堂在府治內便廳西宋呂居仁有詩云疊嶂樓前納涼處

宛陵堂下探梅時

陵峯堂在府治舊曰重梅梅聖俞文所謂春月民遊遨予命之

曰重梅也亭圯梅毀宋紹興中改創此堂

原籀堂在宣城縣疊嶂西宋初榜曰宣城通判徐鉉篆書天聖

中郡守江嗣宗更名原籀堂自為記

資深堂在宣城縣署郭祥正感懷贈李公擇詩君來宣城幕眾

謂得良牧我適遊昭亭林中騎白鹿時趨資深堂遇君亦休沐

曲水堂舊名敘情堂在宣城堂後廡宋紹興元年趙師垂以東



水挹注於此遇宴客流觴飲之今扁曰曲水

萬卷堂在甯國縣三十里南屏山琴山閒宋乾道中楊秉讀書

處秉故人湯鵬舉入參大政為印國子監書籍藏其中府志又

有玉書案石硯閣今廢又吳隱君道山側亦有萬卷堂遺跡

琴高臺輿地紀勝在涇縣東北二十里琴溪有煉丹處別有岳

名隱雨俗傳琴高控鯉上昇之處或曰此其釣臺也臺下產琴

魚按列仙傳琴高人也浮遊涿郡後乘赤鯉入涿水去又山海經載高浮遊碭郡間後入碭水中惟明統志廣輿記諸書皆以為琴高涇人客遊碭郡今涇邑山溪多以高仙跡得名或曰此晉蘇耽也以其好鼓琴故以琴高目之

景呂堂在旌德縣簿廳宋紹興中主簿郊升卿以呂誨嘗為此

官故名淳熙末簿滕珙重建兄璘為之記朱子有詩跋紀其事

閱古堂在旌德縣廟首西宋淳祐間呂涇致仕歸理宗御書閱

古二字賜之涇歸扁於堂

虞璠宅在甯國縣南五里璠宋侍郎虞儔父也隱居於此

洪永章宅在涇縣舉山下涇舊志相傳父老嘗得其誥敕於煨

燼中碑石上可見者銀青光祿大夫兵部尚書兼上柱國賜紫

金魚袋洪永章敕久列偏裨備彰忠三十字餘皆殘缺惜無歲

月時代可考

李長史宅在涇縣畱村即今縣治唐陳簡甫良吏記長史名孝

偁自太平長遷於涇後因家焉

滕慶和宅即旌德縣會勝寺梁丞相滕慶和居此後捨宅為寺

宋太史龔明有鳧山記詳其事

羅隱宅在南陵縣東南七十里小溪山下昔羅隱居此旁有井

及祠俗號羅家廟

淳于芬故居在涇縣西五里芬南齊明帝時為相國捨宅為寺

名凌岳寺後爲興教院有清湍涼風迴溪諸亭閣稱水西名勝  
嚴可求故居在旌德縣北十四都嚴家邊嚴可求避徐溫之禍  
與郭少保隱居於此

宛溪館在府城東宛溪上後爲宛陵公署唐李白詩吾憐宛溪  
好百尺照心明

敬齋在府治西宋紹興中樓炤立

韓昌黎別業舊址不可考朱子韓文考異云愈有別業在宣城  
集內示姪爽自京師之宣城詩有宣城去京國閭里故依然之  
句

南湖書塾在府城西四十里南碕湖上貢氏萃美集云元廣陵  
侯濬置張養浩諸人題詠

黃顏石室在甯國縣黃顏山頂可容數百人相傳晉永嘉中黃

顏修煉於此

瞿礪石室在甯國縣西三十里文脊山中山有石門一名山門  
洞瞿礪先生隱居於此洞有瞿礪因以自號桓溫嘗造訪見先  
生披鹿裘坐石室神色自若溫異之乃命伏滔作頌焉寰宇記  
引何法盛晉中興書云有瞿礪先生不知姓名住宣城文脊山  
浮邱仙壇在太平縣黃山鄉仙都峯下輿地紀勝舊傳黃帝煉  
丹於此與浮邱公遊又有浮邱壇伯遊巷鳳皇灘皆其故蹟  
仙壇在宣城縣麻姑山最高峯舊有丹竈劍池石碁枰釣魚磯  
天遊亭諸勝蹟世傳麻姑煉丹處

九龍觀在旌德縣舊傳漢永平九年池涌九泉因穿九井

薔薇鳴在旌德縣東旌川志宋狀元劉暉讀書於此

雙鯉塔在太平縣西九十里絃歌鄉高可丈許搖之輒動終不

仆下臨大溪溪有二石狀如鯉與水浮沈雖漲不沒故名  
後如洞在宣城縣西三十里唐永泰中寇王萬敵嘯聚於此招  
討袁傜率師禦之又甯國志有厚儒洞事與此同蓋同音而歧  
載耳

金牛洞在宣城縣南湖北卽雲山洞有巨人跡仰印石上四壁  
石乳下垂洞口有雲窩二字爲盧維屏所題每歲常有牡丹豔  
放石間不植自生無定所亦無定數

三天洞在宣城縣東北去郡城五十里輿地紀勝云洞三竅皆  
見天流澌晝夜不絕

金谷在太平縣治爲元殿撰焦煥炎別墅汪文節澤民題聯云  
一谷鶯聲偕律呂四時花色譜文章

九曲池在府城北三里唐刺史裴休種蓮爲遊觀所今池僅存

白鶴池在太平縣長壽鄉水北仙壇側有煉丹泉皆存乃竇真  
君子明遺蹟子明與弟子安遊本縣至此各別去宋中書舍人  
王鑑作仙壇記仙壇屬石埭縣界丹臺丹泉鶴池俱接縣界  
袈裟池在太平縣黃山翠微寺內相傳唐僧麻衣浣袈裟處池  
水長清不濁乾隆己酉夏暴雨發蛟泥水衝涌寺與池平而池  
水澄清如故

謝家池在南陵縣安賢寺側昔人遊詠之所杜牧之有詩李白  
遊謝氏山亭卽此地今池廢爲田

金雞井在府城北廣教寺右唐黃檗禪師建寺千間其樹皆羅  
漢松相傳禪師募化安南限樹某日自運至山是日有二金雞  
相鬪入井松卽隨泉涌出後寺災燬一木尙橫井口

裴公井在府城北萬壽禪院南麓色白味甘獨異他井相傳唐

丞相裴休鑿又一在敬亭山南萬松亭側卽梅都官所謂古石  
盜舊基也

孔子井在甯國縣南百里方輿志云孔子入吳所鑿在縣南一  
百十里吳地志舊吳興郡安吉縣南界道旁有小井乃孔子入  
吳時鑿今屬甯國府按史記孔子世家及家語諸書孔子未嘗  
入吳前說似屬附會第諸書相沿已久今姑存之

瓊仙井在太平縣涇陽鄉漣溪東山下唐荀茂記宋黃庭堅跋  
青弋寔宇記宣城縣本漢舊縣也屬丹陽郡漢順帝時立宣城  
郡於宣城縣按郡國志云故縣地名青弋按寔宇記之說實  
無所徵未可信隱巖在郡治有假山舊有小亭曰望倉郡侯於此察廩人出納  
後好事者植竹其旁號翠葆淳熙中陳騏疊石爲假山中劄爲  
曲徑以通幽步號巖隱其小亭曰揖青

耕隴在郡城北一名望稔亭宋淳熙中邑令陳騏嘗於此種禾  
麥以候農時之早晚且結茅爲小亭扁曰望稔又別置竹籬茅  
舍於其側

白龍潭在太平縣黃山芙蓉峯下舊傳黃帝煉丹之所宋末里  
人張松谷者聰明博學元至元辛巳遊池陽館於大通鎮忽悟  
養真之術遂棄家隱於是辟穀修煉不數年而道成凡人有疾  
病者卽掇藥授之無不愈天旱松谷默禱臺上風雨卽至積五  
十六年書偈而逝居民卽其地造石浮屠於其中所謂松谷菴  
是也至今水旱疾疫禱仍有應云

勇里一名東山戰場在涇縣西北後漢建安中太史慈據涇縣  
孫策擊擒之勇里卽此

五橋周密齊東野語劉震孫長卿號朔齋知宛陵日吳毅夫潛

方閒居劉時與之作五橋之遊嘗攜具開宴自作樂語以識其  
盛

石鏡在甯國縣西百里石鏡山光可照人黃巢過此照其狀如  
猴怒燔之石光久乃漸復元汪澤民有詩

石嶺在甯國縣北古關寨險隘方致堯戰戚方何通泰戰紅巾  
賊俱扼於此

赤溪在太平縣龍山鄉赤坊廣嚴寺側世傳貞觀中左難當葬  
於此神龍中墓有赤氣衝天州縣以聞敕下鑿斷山脈時山俱  
流血者八里溪水盡赤故名

磨崖碑在涇縣西七十八里石籠洪頭山上有碑石植立如堵  
字多磨滅其可見者曰巍巍法宇聖德靈奇天仙作樂神人護  
持猗歟居士博大能洽跡晦巖泉情存佛法挾黃鶴仙帶白龍

水清淨妙義靈寶一作虛空至理唐天寶十四載癸巳四月壬申朔

二十八日己亥刻石考涇縣摩崖碑有五一在琴高臺巔唐開

元甲子河閒邢巨沛國武平一題詩其下一在縣東四十里硃

砂山宋端平二年邑人郭變記一在縣西南九十里石門宋淳

熙己卯隱士徐時鐫詩於上一在縣西百里石柱山觀音巖峭

壁插天平削如砥

國朝乾隆十八年正月崖崩碑露其字半漫漶可讀者二十八字

文曰時丁丑紹興二十七年十二月記按文僅十三字

甄塘在涇縣南二里世傳魏甄后所生處按三國志所載后係中山人此疑附會

雲根石在府一峯山之巔唐李白題雲根二字於其上至今摹  
搨者不絕

雲龍石坎在太平縣西七十里涇陽鄉高十餘丈頂名雲龍峯

明嘉靖間有王道人居焉今有一坎在山頂大石上深止三寸許大早弗涸相傳道人飲汲之所

紫陽題石在太平縣長壽鄉獅山有平石丈餘朱子過訪孫觀題秀陰二字勒其上

奇石仙桃在旌德縣境去資福寺二十步許石澗有桃樹不花而實兵備使郝壁設亭於此

竇真君馬跡石輿地紀勝甯國府太平縣有馬跡石孔現存舊傳漢竇真君垂釣於此洪武宣城志竇真君垂釣於此得一魚剖其腹得丹篆靈符因此得道石高一丈馬跡入石深數寸當潢潦漲溢此石不沒若浮於水面者亦一異也

巨人跡在旌德縣東鳧山又有馬蹏石搗藥白龍潭石相傳竇子明女化青鳧飛去在此

重修安徽通志卷四十七

輿地志

古蹟

池州府

石城故城在府西漢置縣於此三國志後漢建安四年孫策西擊黃祖行及石城尋以程普爲丹陽都尉屯石城黃武三年孫權封韓當爲石城侯隋書地理志開皇九年廢石城縣入南陵縣十九年於廢石城置秋浦縣貴池縣志故城在縣西七十里地名鐵店亦曰倉埠潭以東西兩山夾河如城故名

武林城在府西六十五里輿地志吳大帝所築三國志吳孫權太和二年封子休爲琅琊王居武林其後陸允何遜並爲武林都督寰宇記武林城在貴池縣東北二十五里

本虎林唐諱  
虎遂改爲武

劉胡城一名胡城在銅陵縣東四十里宋泰始中晉安王子勛舉兵江州其將劉胡引兵東下築此屯軍

石埭故城在石埭縣西北五十里寰宇記本吳石城縣地吳志韓當為石城侯置石埭場晉太康三年廢入宣城縣梁又置輿地志梁大同二年置石埭縣因貴池有兩小石埭堰西水遂以為名隋平陳併入南陵縣志石埭故址在縣西北木棉山黃土墩下今名七里街宋桂大受水晶宮記理宗寶慶初始作新邑於此以四門皆山不立城郭因掘珠嶺為東門南山為南門處嶺為西門礮礮路為北門後六年遷他所蓋遺舊治也

堯城在建德縣南元和郡縣志至德縣堯城在縣南四里舜城在縣北二十里舊傳兩帝南巡至此寰宇記舜井城在建德縣南四里舊傳帝舜南巡至此城梁於此立太原府隋廢府今城

中有舜井

按元和志堯城在縣南舜城在縣北寰宇記脫堯城而以縣南者為舜城併以梁置之太原郡為府恐誤

定陵廢縣在青陽縣東北一統志晉南渡後僑置於蕪湖縣界屬淮南郡宋齊以後因之隋平陳廢入南陵寰宇記晉帝南渡之初於古丹陽城置定陵縣即青陽縣地縣志今縣東北有定陵鄉蓋以故縣為名

臨城廢縣在青陽縣南寰宇記青陽縣本吳臨城縣地三國吳赤烏中析陵陽石城二縣地置縣隋平陳縣廢唐書地理志天寶元年割秋浦南陵涇三縣置青陽縣元和郡縣志青陽縣本漢涇縣地天寶元年都督徐輝奏於吳所立臨城縣南置以在青山之陽故名縣志今為臨城鎮在縣南五里

義安廢縣在銅陵縣東唐書地理志唐高帝析南陵置義安縣尋廢為銅官治寰宇記梅根治元管法門石埭二場隋升法門

重刊安縣通志 卷四十一  
為義安縣尋廢入銅官治故址在縣東順安鎮

陵陽故縣在石埭縣東北二里漢置後漢書注陵陽子明得仙

於此故名晉咸康二年避杜皇后諱更名廣陽隋書地理志宣

城郡涇縣平陳省南陽入蓋卽廣陽避煬帝諱故也唐書地理

志武德三年置猷州復領南陽縣八年廢按陵陽鎮在今青陽

治二十里古猷州城在石埭

治東北二里非陵陽鎮也至德故縣卽今建德縣治元和郡縣志至德縣本漢石城至德

二年刺史宋若思奏置因年號爲名寔宇記本鄱陽秋補二縣

地楊吳順義初改爲建德

晉陽廢縣和城廢縣在東流縣治隋書地理志梁置太原郡領

晉陽和城等縣平陳廢入彭澤寔宇記晉陽廢縣在彭澤縣東

北百九十四里和城廢縣在彭澤縣東北二百二十二里東流

縣志晉陽廢縣卽今晉陽鄉和城廢縣卽今縣治

梅根監在府東五十里亦曰梅根治六朝皆鼓鑄於此吳錄地

理志晉立梅塘治元和郡縣志梅根監在南陵縣西一百三十

五里併宛陵監每歲鑄錢五萬貫寔宇記銅陵縣本漢南陵縣

自齊梁之代爲梅根治以烹銅鐵庾子山枯樹賦東南以梅根

作治卽此

永豐監在建德縣南宋置元豐九域志建德縣永豐監至道二

年置鑄錢去縣東北二百里江南通志宋至道三年以池州錢

監爲永豐監或曰卽故梅根監

利國場卽廢南陵縣之利國也元和郡縣志利國山在南陵縣

西一百一十里出銅供梅根監縣志銅官山昔取銅賦南唐置

利國場後改爲銅官場歲久銅乏場廢



鵲岸在銅陵縣北左傳昭公五年楚以諸侯伐吳吳人敗諸鵲岸劉宋元嘉末武陵王駿自尋陽東討元凶劭軍於鵲頭梁承聖初王僧辯討侯景遣侯瑱襲南陵鵲頭成尅之唐武德七年李孝恭討輔公祏拔其鵲頭鎮元和郡縣志鵲頭鎮在南陵縣西百十里卽春秋時鵲岸沿流八十里爲鵲尾洲吳時屯兵處通鑑注鵲頭在銅陵鵲尾在舒城鵲洲者江中之洲也續文獻通考唐懿宗咸通五年置鵲頭鎮尋圯於江東流場在東流縣東北寧宇記在池州南百里本彭澤之黃菊鄉唐會昌初建東流場在古廢和城縣側大中四年移於今理南唐保大十一年升爲縣縣志東流場卽今縣治雁翅夾稅場在東流雁汊鎮宋陸游入蜀記過雁汊夾有稅場居民二百餘家泊船甚眾縣志雁翅夾卽今雁汊鎮宋時嘗設

稅場於此

秋浦樓在府城東城上宋紹定戊子郡守趙葵因舊址增築有石刻蘇軾詞黃魯直字於壁南畿志明正德戊寅知府何紹正重建

九華樓有二一在貴池縣九華門上明統志以爲卽九峯樓唐刺史李方元建一在青陽縣東南二里唐杜牧有九華樓寄張祐詩

拱翠樓在貴池縣東南門上九華山錄上南城樓正對齊山循城而東有拱翠樓亭隸邑廳又稍前卽九華樓三者相望皆下臨青溪見九華

蕭相樓在貴池縣東南門上大厯中刺史蕭復建後杜牧重建名曰蕭相樓並有記宋蘇轍有詩

景蕭樓在府城內萬曆中柳林巷居人李春達掘得斷碑有景蕭樓上梁文宋狀元陳舜俞撰

順安樓在銅陵縣東三十里卽古義安縣也舊置臨津驛今裁賣花樓在建德縣南里許相傳唐及五代時有花樓二十四間土人善翦繡作花四方多至此市花近樓名臙脂港亦舊管絃地今悉荒廢

文選閣在貴池縣西五里舊有梁昭明太子祠後人因建此閣以貯文選

芙蓉閣在九華山李白書堂前

翠微亭在貴池縣南齊山之巔唐時建九華清溪秋浦皆隱隱在望宋岳飛詩經年塵土滿征衣得得尋芳上翠微好水好山觀未足馬蹏催送月明歸明桂鏊遊齊山記翠微亭唐杜牧刺

池年構此亭於山巒爲臨眺之所又有三奇亭亭以石鼓洞仙人橋妙空巖爲三奇故名又有青霄亭舊爲觀郡樓宋王哲易今名

神交亭在貴池小邱山明李呈祥講學地以遇湛若水構亭曰

神交附湛若水神交亭記居池陽有高士古源李子者謝太學隱

聞甘泉子而慕焉然而未嘗識面甘泉亦未嘗識其面而知之賢而教之曰神交矣或曰面不相識何謂神交甘泉子曰夫面皆識面淺者也而謂上下萬年不相識何謂神交武周孔是何面目而若相知之深焉神交也故孔子見堯舜羹藜麥豆周公高宗夢傳說舜夢拜平丞黃帝夢遊華胥皆心也神也神也者心之所爲也故心之神也交通也通天而天地通地而地通萬物而萬物通堯舜禹湯文武周孔而堯舜禹湯文武周孔感而通之一氣也氣也者通宇宙而一者也是故一體也一體故氤氳相通痛癢相關不交而交矣嘉靖丙子八月甘泉子過池陽登九華之山古源子出迓焉或謂子十年不爲彼鄉士夫出矣不爲郡大夫出矣而爲甘泉子出何耶曰吾爲道出矣非爲甘泉公也相見而權若平生交焉若魚水不足也執弟子禮而學焉心以相符神以相授不待口之相語也深矣何則神交至焉傾蓋次焉故知神之所爲者可以盡心矣知心之所爲者可以知性矣

知心神之所為者可以語道矣盡心知性而存養之可與語學矣盡之矣古源子退而作神交亭甘泉子為次第其語作亭記甘泉子喟然歎曰於平時知子而知神交之道則斯亭斯記可兩忘矣

弄水亭在府治南通遠門外唐杜牧建取李白詩欲弄水中月句為名

貴池亭在貴池縣南齊山江南通志謂在縣北五里磯上一名望江亭九華山錄貴池亭以其見大江可望淮南也亦見九華

諸峯唐杜牧詩勢比凌歊宋武臺指此翠光亭在貴池縣池口宋岳飛詩愛此倚闌干誰同寓目閒輕

陰弄晴日秀色隱空山島嶼蕭騷外征帆杳靄間予雖江上老心羨白雲關

清溪亭在貴池縣南清溪宋王安國有清溪亭詩又有清溪館望華亭在青陽縣九華山西圮橋之右舊名玩華亭邑令蘇萬

民建副使馮叔吉易今名

雙練亭在青陽縣西九華山又有半山亭仰止亭皆在九華山麓

富覽亭在銅陵縣西北天王山宋縣令張孝章建望仙亭在石埭縣北陵陽山祀前漢竇子明

梅山四亭在建德縣西南梅山日期雲曰漱碧曰空翠曰熟梅皆宋時建

胡峯亭在建德縣治後玉山之頂與玉峯相對宋縣令梅堯臣建

梅公亭在建德縣治後宋梅堯臣為令有惠政民思之作此亭附元吳師道記

士君子宦遊之方去之數百年人猶想其風烈而不忘至於崇表而章顯之是雖好德之心然其所以使人至此而為未俗之勸者豈小哉池之建德故事尚書都官員外郎國子監直講梅公聖俞景祐間為知縣事集中

詩幾百篇皆在是邑作而當時風物官況之大略可考見也後  
人嘗於郎官舍西偏為梅公堂以祀之既廢而令柴夢規重建  
於縣圃之北世易事更復改縣後之半山亭為梅公亭以識其  
舊未幾亦化為墟師道之來也按行遺趾見大礎在茅草中  
蕘兒牧豎躑躅其上老木三數株錯立蒼然為之躊躇太息自  
是營構之念往來於懷越明年始克就緒為屋三間限以周垣  
鍵以外扇飛檐虛檻高亢疏明既與邑人慰其景仰之思而溪  
山屋室環繞映帶又得登臨之美以相樂也當宋之初文體卑  
陋公倡古淡之作一變其習歐陽子以相樂也當宋之初文體卑  
若已弗及又以仁厚樂易溫恭謹質稱其一人一時諸公交口論  
薦雖仕不大顯而文學行義足以儀當時而表後世矧建德肇  
邑自唐令長凡幾何人而公之名獨稱之至今是豈可以勢力  
致哉使凡吏於此者登公之亭誦公之詩思公之所樹立以自  
勵則斯邑之民將被其賜於無窮也師道於公無能為役然不  
可謂無志於自勵者斯亭之作既自為之經營而眾來致助乃  
命邑人陶起東董其事不以煩民庶幾可久尚告來者嗣有茸  
焉其或迂吾之為漫不顧省任其圯壞泯滅亦獨何心哉  
亭成當至元三年丁丑之歲十二月乙亥明年某月日記

菊江亭在東流縣西菊江門外舊有菊臺後建樓其上名望江  
樓再易今名向於此祀陶潛故江曰菊江亭之名亦因此

昭明釣臺有二一在貴池縣西六十里和龍山下有玉龍潭一

在縣北鎮山下

繡春臺在貴池縣南齊山東巖之巔危檐傑棟巋然屹立宋魏  
了翁書繡春臺三字又有紫薇臺在竇雲巖後因杜牧得名今  
存石刻數字

白鶴臺在青陽縣東南保甯觀相傳白鶴真人煉丹處

釣魚臺在青陽縣九華山嘉魚池上相傳漢竇子明唐李昭象  
垂釣處

潔己臺在石埭縣南門舊學西南隅元大德辛丑監邑忻都築  
香木潭釣臺在東流縣東四十里縣志相傳為昭明太子釣臺  
馮宣有香木潭釣臺記

中和堂在府治內宋建盛約有記

思政堂在中和堂後宋建曾鞏有記

從容堂在府治內宋史趙昂發傳元兵薄池昂發縊從容堂死昂發始為此堂名曰從容及兵遽領客至堂中指所題扁曰古人謂從容就義難此殆其兆也

李白書堂有五一在府南四十里桃陂一在府南苦竹嶺一在銅陵縣五松山一在石埭縣杉山一在青陽縣九華山

李昭象書堂在青陽縣九華山翠羽池一統志昭象唐池州刺史李方元子方元罷池州畱家秋浦黃巢兵起昭象入九華結屋碧雲峯下

杜荀鶴書堂在青陽縣九華山南香林峯

范仲淹書堂在青陽縣東二十里讀山之陽

王安石書堂在銅陵縣東靈竇泉側安石與旌德汪澥邑人胡舜元講學於此

羅京書堂在銅陵縣南縣志在獅子峯下宋羅京讀書處書月宮二字刻於石山下有泉引為九曲因號泉山先生

華岳宅在府南山川壇後岳為殿前司官屬謀誅史彌遠杖死東市宅前有手植松十餘株石狻猊尚存

費冠卿宅在青陽縣九華山少微峯為唐進士費冠卿隱居處吳用之宅在青陽縣九華山西阪吳氏自唐以前居之號松陽宅

新城宅在青陽縣蓮花峯西亦吳氏宅也唐刺史吳器高築新城精舍

九華精舍在府學內宋端平中建又九華書舍在青陽縣南十里九華山房在青陽縣西九華山明錢公清即所居之地別築館舍為遊息之所

龍堂精舍在銅陵縣五松山唐李白與南陵常贊府遊五松山詩有龍堂若可憩吾欲歸精修之句注云銅井西五里有古精舍

楊梅館在府西九十里石嶺多楊梅唐白居易有楊梅館詩宋改為驛今呼爲楊梅坦

堯封書屋在建德縣東宋時建後廢明柯暹重建又狄梁公行館在建德縣東

葉公園在銅陵縣東五十里葉山下宋王安石遊其園戲葉云周迴莫有千秋葉葉隨答云禪補能堪百箇蠶

陳公園在銅陵縣東鼇首山園內有二池宋蘇軾黃庭堅曾遊此蘇軾有陳公園二池詩

菊所在東流縣治後相傳陶潛爲彭澤令種菊於此亦名菊臺

亦名菊圃明知縣陳春建四望亭嘗藝松其上宋朱子有舟泊東流題菊所詩王十朋有菊圃詩明廖暉有菊臺詩

黃花驛在東流縣治北本名黃花館後置驛今裁縣志在縣署後宋楊發有宿黃花館詩

桑柘門在府城秀山門外虎山之東北通鱣口唐時城門名也又有雙江門未詳何所

醮壇在青陽縣九華少微峯碧玉泉上其石方平陞級如壇漢竇子明嘗醮其上俗呼爲仙人石

仙壇在石埭縣陵陽山中峯之半漢竇子明仙所唐天寶末建仙壇宮至今祀之

杜鵑在府城西四里因杜牧得名其下有杜湖黃屯在府東南五十里唐乾符中黃巢常屯此因以名阪又有

黃屯堰南畿志云東二百里石岡名鐵券相傳唐賜巢鐵券

處

按鐵券山在阪東二里南畿志作二百里誤一說元文宗嘗駐蹕於此故謂之皇屯

峽山寨在府西宋開寶七年曹彬伐江南拔峽山寨進克池州卽其地

劉公寨在青陽縣南宋建炎初劉光世因險立寨禦張遇於此流觴瀨在青陽縣九華山百丈潭上有石渠天井之勝唐李昭象與客泛觴於此

舒姑泉在石埭縣南三十里蓋山一名舒溪一名舒姑溪一名涎溪元和郡縣志舒姑泉源出蓋山下昔舒氏女化爲魚於此泉聞絃歌聲則有雙鯉湧出文選注舒姑泉卽今舒溪劉孝標所謂蓋山之泉聞絃歌而赴節也顧野王詩甯知蓋山水逐節赴危絃

白龜泉在青陽縣化城寺西龜山下蔣之奇題名石上宋龍女泉在青陽縣東巖相傳金地藏小居方苦遠汲俄有少女云石下有泉因以手撥石泉果湧出又有甘泉在東巖中峯下明嘉靖初湛若水講學於此後建書院旁有一泉若水自署曰甘泉

杏花村在府秀山門外里許因唐杜牧詩有牧童遙指杏花村句得名南畿志云有古石井圈刻黃公廣潤玉泉六字卽遂有杏花村志又一統志杏花村在石埭縣南

閔源在九華山東巖由神光嶺南繞東巖外上中下凡三處皆產茗此閔茶所由名

桃源在建德縣南四十里步頭村水源深邃人跡罕至唐乾符中黃巢之亂邑人多避於此

鐵船在銅陵縣五松山前湖田之下首尾船形如積鐵舊傳晉  
潯陽太守張寬歿為神於此一夕乘鐵船至為人所見其船遂  
溺而露首尾焉明王守仁有詩

包公井在府城內相傳宋太守包拯所浚  
丹井在青陽縣九華山北葛洪煉丹井也

金釵井在石埭縣西峨山之麓唐桂盛女盡節處

五松在銅陵縣南四里輿地紀勝五松山在銅官西南有松一  
本五枝黛色參天唐李白詩我來五松下置酒窮躋攀微名絕  
遺老因名五松山今銅陵號曰五松本此山也

印石在建德縣西北八里石印嶺壁有印文寰宇記印石在建  
德縣西北五里歷水岸石壁峭拔舊傳許旌陽逐蛟至此岸塌  
其塌處屹然成壁印石而去其石印篆文圓如馬蹠跡宋周必

大錄說同

金雞石在府城西五十里埤雅云江南富姓者莊前一石月下  
忽作雞聲遂名金雞石

石鏡在石埭縣櫟山其石縱橫二丈光明可鑑人物

鹿跡石在東流縣東六十里相傳葛洪跨白鹿仙去處

三墩九曲在石埭縣後南畿志墩有三以應三台水有九以應  
九曜郭璞以厭火災



重修安徽通志卷四十八

輿地志

古蹟五

太平府

丹陽故城在府城東五十里接江甯縣界漢置丹陽郡於宛陵此為丹陽縣因有小丹陽之名後漢建安初呂範從孫策下小丹陽晉蘇峻自小丹陽至蔣陵覆舟山是也宋昇明三年齊受宋禪高祖封宋主為汝陰王築宮於丹陽故縣隋開皇九年廢入溧水縣唐武德三年復置屬揚州州廢屬宣州貞觀元年省入當塗括地志丹陽故城在江甯縣東南五十里元豐九域志當塗縣有丹陽鎮即故縣也陽亦作楊晉志丹楊以山多赤柳故名建康志小丹陽在江甯縣橫山鄉陶吳鎮西南二十里與

當塗縣接界

姑孰故城即今當塗縣治城南臨姑孰溪因名本漢丹陽縣地東晉時置城戍守并積鹽米於此太甯元年王敦移鎮姑孰興甯二年桓溫自赭圻移鎮姑孰咸安初桓沖城姑孰元興二年桓元出鎮姑孰大築城府梁太清二年侯景自采石濟襲陷姑孰隋開皇九年詔伐陳韓擒虎自橫江濟采石攻姑孰尋自今南陵縣界移當塗縣治此

于湖故城在當塗縣南三十八里漢丹陽地三國吳為督農校尉治晉太康二年始立于湖縣屬丹陽郡太甯初王敦鎮姑孰屯于湖二年帝微行至于湖察敦營壘成帝時僑置淮南郡於此隋平陳廢郡併縣入當塗通典當塗有于湖故城在縣南括地志縣東四十里有圩曰咸和古丹陽于湖縣廢址在焉

卻月城在當塗縣西南元和志天門山上有卻月城宋車騎將軍王元謨所築縣志在縣西南大信鎮唐武德初輔公祏築謝公城在當塗縣西北采石晉謝尚鎮牛渚時所築寰宇記晉鎮西將軍謝尚鎮此

蕪湖故城在蕪湖縣東三十里漢置縣屬丹陽郡後漢書章和元年貶晃為蕪湖侯建安初孫策破劉繇太史慈遁蕪湖山中晉咸和二年蘇峻陷姑孰桓彝起兵進屯蕪湖章懷太子曰蕪湖縣故城在當塗縣東南元和郡縣志蕪湖水側漢末嘗置蕪湖縣寰宇記蕪湖縣東北至太平州六十五里晉為重鎮自唐武德以來為鎮隸姑孰南唐割宣城當塗二縣復置即今縣也府志有故城在今縣東三十里或謂之于湖城周十九里遺址略存吳黃武初徙於今治

南豫州故城在蕪湖縣東北宋書州郡志晉咸和四年僑立豫州以庾亮爲刺史治蕪湖金陵志姑孰之南淮曲之陽晉成帝咸和四年僑立豫州於此縣志南豫州城在縣東北二里今之五面場是也宋建炎中水賊邵青盡壞之

宣春城輿地紀略在蕪湖今邑東門尙名宣春門殆晉時僑立徙置當宣城春穀之間按晏公類要于將之子埋其父於宣城城北是楚已有此城也

王敦城在蕪湖縣東北一里王敦鎮于湖時所築陸游入蜀記蕪湖卽于湖有王敦城氣象宏敞

繁昌故城在今繁昌縣西北漢之繁昌縣在今河南臨潁縣屬潁川郡曹魏分屬襄城郡東晉初僑置襄城郡割于湖縣爲境並置繁昌縣屬焉梁時廢入南陵縣南唐時復置寰宇記繁昌縣在南陵縣地西對廬州江口以地出石綠兼鐵由是置治南

唐因析南五鄉復置縣舊志宋慶曆間築城周六里八十步明天順初移今治舊城在今縣西北四十里今爲舊縣鎮又襄城郡阨在今縣東北延載鄉

赭圻城在繁昌縣西南三十里晉書桓溫傳隆和初詔徵溫入參朝政自荊州還至赭圻又使尙書車灌止之溫遂城赭圻表云春穀縣赭圻城在江東岸臨江西當濡須口二十里距建康宮三百里請城其地是也元和郡縣志南陵縣赭圻故城在縣西北一百三十里府志故城在今繁昌縣赭圻嶺下後城被火災乃移鎮姑孰

南丹陽廢郡在當塗縣北梁末置陳天嘉五年罷陳書周文育傳侯景平後以文育爲南丹陽太守又程靈洗除南丹陽太守鎮采石隋書地理志江甯梁置南丹陽郡陳省

上黨廢郡在蕪湖縣西南東晉甯康中以上黨流民僑置上黨郡及襄垣縣義熙中省上黨郡為縣宋元嘉九年省上黨縣入襄垣縣屬淮南郡隋平陳又省襄垣縣入當塗縣縣志上黨故城在今縣西南五里

春穀廢縣在繁昌縣西北漢置元和郡縣志春穀故城在南陵縣西一百五十里府志今繁昌之移風鄉漢置春穀縣於此晉武帝改為陽穀安帝併陽穀入蕪湖遂廢

南陵廢縣在繁昌縣西北晉時置南陵成梁武帝置南陵縣屬南陵郡承聖初王僧辯討侯景遣前軍侯瑱襲南陵鵲頭二戍陳書戴僧朗除北江州刺史領南陵太守舊唐志南陵縣長安四年移理青陽城即今甯國府所屬南陵縣故城遂廢寰宇記南陵縣本漢春穀縣唐武德以來置縣臨江有城基見存去今

縣一百三十里

古鳩茲邑在蕪湖縣東四十里左傳襄公三年楚子重伐吳克鳩茲杜預注鳩茲吳邑在丹陽蕪湖縣東今皋夷也縣志今縣東四十里有句茲港即鳩茲之訛

天門雙闕在府大信鎮宋大明七年帝西巡有雙爵盤旋下集繖蓋羣臣呼萬歲詔建雙闕

望江樓在當塗縣慈姥磯相傳梁昭明太子讀書處又縣淨居院亦有昭明讀書臺

太白樓一名謫仙樓在采石磯即太白祠唐元和中建陸龜蒙詩謝朓青山李白樓是也

清風樓在蕪湖縣治北驛山之陽因蘇軾清風閣舊額以命名明印濬有記

御書閣在繁昌縣東南隱靜山普惠寺中宋嘉祐中建郭祥正有記

百花頭上亭在府城外尼山巔宋景定五年太守鄭羽建

似閒亭輿地紀勝在郡圃太守揚揆建取許渾詩草生官舍似閒居之句以名

然犀亭在當塗縣采石牛渚磯上晉溫嶠平蘇峻還鎮至此聞其下多怪然犀燭之悉見水族奇異夜夢人謂曰與君幽明道

別何意相照後人因建亭於此

姑孰亭在當塗姑孰溪上附唐李白宴姑孰亭序通驛公館南有水亭焉四

費暈飛嶢絕浦嶼蓋自前攝令河東薛公棟而字之今宰隴西李公名明化開物成務又橫其梁而閣之畫鳴閒琴夕玩清月蓋為接輪軒祖遠客之佳境也製置既久莫知何名司馬武公長材博古獨映方外因據胡牀岸嘯咏而謂前長史李公及諸公曰此亭跨姑孰之水可稱為姑孰亭焉嘉名勝槩自我作也且夫曹官絨冕者大賢處之若游青山臥白雲逍遙優傲何

適不可小才居之窘而自拘情若桎梏則清風朗月河英嶽秀皆為棄物安得稱焉所以司馬南鄰當文章之旗鼓翰林客卿揮辭鋒以戰勝名教樂地無非得俊之場也千載一時言詩紀志

孟公亭在當塗縣官圩東岸宋咸淳八年大水知州孟知縉以身捍水水為之卻立亭表焉刻石尚存

蛾眉亭在當塗縣北二十里據牛渚絕壁前直二梁山夾江對峙如蛾眉然故名宋熙寧二年太守張瓌建

湖山煙雨亭在當塗縣東三里月盤山據郡城游觀之勝江山好處亭在當塗縣北二十里蛾眉峯左亦名觀瀾亭附明

倪謙江山好處亭記太平為郡在南京之南百里而遠右枕江來合沅湘漢河之水直走磯下姑孰之溪則自東折西而橫入於江驚濤駭浪晝夜衝齧有聲磯之南直走天門東西二梁中東一水蒼翠修曲宛若蛾眉舊嘗為亭磯上以占其勝矣去蛾眉之左下坡數級地勢頗卑而坦迤幽曠山益近而奇江益近而駛其地尤勝有非蛾眉所得而擅者舊亦為亭於此名江山好處元監府宏吉刺氏易名觀瀾歲久傾毀景泰三年豐城李

侯若虛來守是郡政平訟理民安物阜嘗考尋遺迹亦以為是亭乃郡之絕景自昔騷人韻士若晉溫嶠袁宏謝尚唐李白崔宗之諸賢皆嘗於此登眺而吟嘯者也豈惟吾輩政餘可以藉是消煩而適意邦人歲時亦得以遂遊觀之樂也容可坐視其廢乎乃與同知任能讓通判陳清推官何哀捐俸貲為倡命廣濟寺僧修惠募材重建亭成諸公與客攜酒肴登而落之憑高望遠則煙嵐之杳靄雲濤之洶湧風帆沙鳥之往來長鯨巨鼉之出沒仙梵之盧漁樵之居舉接於欄檻之外千態萬貌景象無窮有以使人目明而神爽飛越於是揚袂引觴曰樂哉斯亭也復感其名曰江山好處徵記於予予以花鳥本平時可娛之物也然感時恨別者見之適足以驚心而飛淚郡之江山信可樂矣使為守者政未能敷於下為民者政未能安於上外有責於人內有愧於己則登亭也觸物興懷無非悲傷感慨之境孰見其為可樂哉今諸公涵煦休養措斯民於衽席而民親愛之不翅父母上下之間心孚惠洽蓋無適而非可樂者況復當江山之好處哉是宜樂其樂而使民同其樂也亭之復古詎不

雄觀亭在蕪湖縣吉祥寺右山巔舊名觀瀾亭吳仁傑易今名十詠亭在當塗縣東唐李白有姑孰十詠後人因以名亭陸游入蜀記蘇軾過此讀之笑曰此贗物也廣輿記謂是李赤作

聽江亭在當塗縣南津門外宋州守洪遵建賞詠亭在當塗縣西北即晉袁宏誦詠史詩謝尚大相佳賞處也後人於此建亭

捉月亭在采石鎮神霄宮內李白泛舟狂醉欲從水中捉月故名亦名暮雲亭相傳藏李白宮錦袍處宋梅堯臣有詩思瑾亭即采石驛皇華亭以思周公瑾故名宋真德秀題額

夢日亭在蕪湖縣東一里故王敦城上晉太甯二年王敦將舉兵內向帝密知之微行至于湖察敦營壘而出敦正晝寢夢日環其城宋時於此建亭故名

玩鞭亭方輿勝覽在蕪湖縣北二十里晉明帝微行察王敦營壘敦驚覺使五騎追之帝馳去見逆旅賣食嫗以七寶鞭與之曰後有騎來以此相示追者至問嫗嫗因以鞭示之五騎傳玩

良久帝獲免洎宋僧蘊湘乃建此亭

志喜亭在蕪湖縣神山巔宋乾道七年秋禱雨於李衛公祠輒應因名

識舟亭在蕪湖縣鶴兒山俯瞰大江舊名八角亭王思任權關時易今名

吳波亭在蕪湖縣西門外瀕大江宋乾興二年建張孝祥書額元歐陽元所謂幾回送客艤吳波是也

凌歊臺在當塗縣西北黃山宋孝武帝築以避暑卽宋行宮也面勢虛敞高出塵埃之表唐李白有詩

聯璧臺在采石山江干二石突兀中分一線石刻聯璧二大字縹緲臺在繁昌縣西北輿地紀勝縣治後山巔築屋曰縹緲下瞰大江對濡須隄茂林修竹相爲映發宋熙甯間改名表裏山

### 河臺

揮塵臺在府治臨大池舊名近民宋吳淵重建易名

臥治堂輿地紀勝在州治道院南道院舊名宴堂在設廳西北太守吳芾所書也按設廳未詳

白紵亭在當塗縣東七十里寰宇記昔宋帝與羣臣會此唱白紵歌因名

誓清堂在當塗縣黃山祖逖渡江誓師於此宋嘉熙中吳淵建堂後陳壇以米芾所書極目亭三字易之

潘閻宅在府西卽今儒學基

郭祥正宅在府東街中有醉吟菴蘇軾過之題詩畫竹石於壁陳規宅在府東街成賢坊

羅彥輔宅在府西街

張鏐宅在府城東南隅其居曰孝感坊

陶安宅在府城東街明太祖賜額及堂聯

謝朓宅在當塗縣東南寰宇記在縣東南青山一名青山館旁有謝公池宋陸游入蜀記青山南小市有謝元暉故宅基環宅皆青林文篠清泉奇石真佳處也今爲保和庵

陶宏景宅在當塗縣橫望山今爲澄心寺因話錄云盧巖說隋鄭常侍遊宣州當塗隱居山巖卽陶貞白煉丹處也爐跡猶存李白宅在當塗縣青山之麓白至姑孰依當塗令李陽冰愛謝家青山有終焉之志

周維長宅在當塗縣橫望山李白有贈橫山周處士詩

李陽冰宅在當塗縣青山陽冰解組後築室青山最深處重巒疊嶂佳趣萬種今名萬佳山

張孝祥宅在蕪湖縣西南昇仙橋有歸去來堂明正德間建于湖書院

張崇義居在繁昌縣崇義自祖父以來千口同居閨闈肅然嘉祐中楊傑過其門書義居二字遺之

滴翠軒在蕪湖縣赭山廣濟院舊名檜軒有宋黃庭堅自書山谷讀書處五字郭祥正有詩

盤龍齋在當塗縣南州津晉桓元建齋畫龍於上後劉毅鎮此居之毅小字盤龍遂爲符驗云

橫江館在采石對岸卽和州橫江李白所詠也

陵口戍在府北三十里或謂之東陵口晉咸和中蘇峻自歷陽濟橫江登牛渚軍於陵口胡氏曰在牛渚之東北亦江濱戍守處



南陵戍在繁昌縣西北下臨江渚六朝時江州東界盡於南陵蓋瀕江津要處也晉陶侃領荊州江州刺史自南陵迄於白帝數千里路不拾遺謂此梁置南陵縣治赭圻城時此地亦置戍承聖初王僧辯討侯景軍於大雷遣前軍侯瑱襲南陵鵲頭二戍克之是也

北園在繁昌縣寶山宋蔡確建

九龍池在橫山頂有石坎容水僅斗許能不竭內石龍子九枚長數寸黝形高足癡不畏弄昔傳人取其一坎中仍九盡取之坎中亦九也

禁蛙池在蕪湖縣昇仙橋西張孝祥築堂成鄰人以池內蛙鳴爲讓孝祥取硯投之隨手聲絕

洗硯池在繁昌縣馬仁山唐王冲霄洗硯於此至今池水猶黑

九井在府城南十里晉桓溫所鑿殷仲文九日從桓元遊九井賦詩卽此井通江已竭其五昔有墜鞭於井者從牛渚流出見伏滔北征記

龍泉寺井在府東龍泉山晉螺浮尊者卓錫開此以竹汲之則清冷可飲以繩汲之則泥滓渾濁

洞井宋孝武遊姑孰敕謝莊攜其子朏從乃使爲洞井贊朏卽於坐奏之帝曰奇童也

謝公井在青山路南有甄鬚謝朓鑿

唐井在府城東十五里禪岳寺山下闌石鐫元和十二年字

陶宏景丹井在橫望山

挂袍石在當塗縣白紵山西晉桓溫率賓僚燕飲醉時挂袍於此

丹竈在橫山陶宏景煉丹設也此地環天碧嶂景物奇特所謂丹竈寒煙及五井指此

石鼓在蕪湖縣石臼湖側唐貞觀二年尉遲敬德來治郡昇二

石鼓以壯其門相傳是石季倫家物按唐書尉遲敬德傳無知

宣州文甯國府志職官亦

載不

公在青

山

南

自

傳

載

